

博野縣志卷八

詩賦

志之有詩賦也多列于藝文之中然體制既殊
自宜別類今取邑人名作及騷壇雅什錄其有
關於方輿勝概治化絃歌者以待採風者之擇
而陳焉

唐

酬馬彧

祠部郎中
韓定辭

邑人

崇霞臺上神仙客學辨癡龍藝最多盛德好將銀管

述麗詞堪與雪兒歌

宋

咏月季花

侍中魏國公

韓

琦

邑人
後裔

牡丹殊絕萎春風
露菊蕭疎怨晚叢
何似此花榮艷足
四時常放淺深紅

秋日偶成二首

明道

程

子

邑人
後裔

寥寥天氣已高秋
更倚凌虛百尺樓
世上利名羣蟻蠟
古來興廢幾浮漚
退居陋巷顏回樂
不見長安李白愁
兩事到頭須有得
我心處處自優游

閑來無事不從容
睡覺東窗日已紅
萬物靜觀皆自得
四時佳興與人同
道通天地有形外
思入風雲變態中
富貴不淫貧賤樂
男兒到此是英雄

元

城外見杏花

國子監助教

吳師道

流寓

曲江二十年前會
回首芳菲似夢中
老去京華度寒食
閑來野水看春風
樹頭絳雪飛還白
花外青天映更紅
聞說琳宮更佳絕
明朝攜酒訪城東

城東邨在博野西北

明

縣治古槐

孫昂

邑人

縣治儀門西有宋初古槐壹株根深枝茂鬱
然高聳洵屬奇觀

老幹參天幾歲華陰連官舍碧雲遮琴堂無訟看花
落疑是三槐宰相家

春花香滿

城西一帶桃杏成林二三月間花發香瀾遊
人每流連而不忍去

郭外花開十里香嫩紅點綠沾裳蝶飛風舞迷穿

徑士女遨遊似洛陽

堤柳垂陰

城外四圍廣植垂柳鳥噪枝頭堪資吟咏

春雨淋漓葉上珍黃鸝紫燕語方頻漫誇當日蘇堤
樹博陸于今景物新

西山晴翠

縣治西北遠望狼山天氣清明疊翠參差儼
如屏列

遠山靄靄翠爲屏樹色橫空落照青西望參差如列

座臨池賢達早書銘

謁二程夫子祠

教授羅綱

生平道統仰尊師今日相逢拜古祠
伊洛淵源開後學博陵廟貌厥宏規
從前遺跡迷芳草在昔先塋有舊碑
天運已經年五百眼前誰復繼昌期

苜蓿行

保定兵備道錢天錫
沔陽

崇禎十二年春余以副使備兵保定踰月巡
行蠡博各縣見饑民爭採苜蓿根株無遺且
痛且恨皆救荒無術也爲作長歌示諸令長

路傍苜蓿先春草正月雪深未枯槁冀北種之宜馬

食夏秋不似春來好

杜詩宛馬總肥春苜蓿

豈知大旱土山焦

榆槐剝落肌骨銷不及廐馬飽芻豆攜妻負子採新
苗地主吞聲不敢言但願採葉且留根只愁根盡命
亦隕化爲鬼火照荒村安得長才治百里風行草偃
振綱紀十二荒政食貧氓午夜誠求保赤子况茲畿
輔號股肱散儲發廩可頻仍護田積粟置使者苜蓿
還同五穀登

路槐行

昔在孝寬爲刺史路側植槐蔭行旅枵腹久已斷晨
餐烈日猶能鎔漏釜攀枝執條實離離剖粒難救道

旁瘐婆娑不愧榆爲兄苜蓿闕賓同楚楚

前漢書西域傳闕賓

地平陸有三種已盡又何求桑下服穿二胸脯未聞
苜蓿檀懷

補腦制頽齡可堪倚樹埋焦土何如觜觶生葆穀虛
星掩泣問天庾

博野縣賦

浙江溫處道

陳曰堯

邑人


漢有博陵茲邑始顯聿奉祀而置令因先墓而作縣
初宅博城聲迹遂遠遄卜苑村規模日淺後遷治於
莽塞得形局之恢展背金臺之巍莪腰白沙而回轉
坊巷橫界乎兩街市門旁達乎三面在天應尾畢昂
之照臨在地當燕趙冀之分甸四鄉冠蓋之都會千
室絃歌之敷闡隸畿輔爲密邑非邾小而勝徧其山
則北有紫薇飄搖紅色之絕巘杳渺嵐光之卓峯其
岡則西有興隆峩峩崔嵬之高峙屹屹地勢之惟雄

其堡則南有鳳凰望丹霄而舒翹欲聳身乎洪濛其
川則唐水環遙於西南而滋河順流以朝宗其原則
坦坦場圃臚臚園林曠然平地鬱乎雲深耕之耨之
不見勞耘之耔之易爲力其蔬則曰葱曰韭其味惟
長曰芹曰芥厥美堪嘗堇荼不假于灌溉擅田野一
時之富瓢瓜無藉于栽培毓沙渚三秋之茂其果則
桃杏李奈而清中心之熱者有梨可饌其禾則黍稷
穀秫而備四時之氣者惟麥作甘藥品資益乎東垣
者大半菊種開綻於陶籬者相參厥草芊芊兮長重

脂之荈厥桑黝黝兮登五熟之蠶淋廣漠之土足以
成鹹熬斥鹵之水可以作鹽以至水族之珍又有鯉
鯽鮎鱖哇鳴于池沼鱉穴于沙渚可奉祭祀之需而
爲宴賓之舉况乎西北正氣狼山相望霞嶠月輿鍾
秀壹方炎漢俊傑辟地退藏李唐君子青史流光宋
德隆盛治教休祥篤生賢哲虎耀鳳翔韓魏公不動
聲色措天下于治安兩程子倡明道學續千載以流
芳迨明室之肇興幸人文之輻輳韓孟劉吳聯翼而
先聲王徐陳李奮登而繼後或發解于百人之首或

作狀于多士之右率能流光于宦業匪徒角勝于世
胄迺若白屋公卿青雲步驟烏臺騎省之出入虎節
鹿符之奔奏重典選于春闈侈畫榮于錦繡簪筆素
以對天光典樞衡而應台宿矧夫俗化昌明表裏交
正有事生事亡之合禮有爲男爲女之主敬守義者
兼美乎崔盧篤教者婉賢乎陶孟呂成英孝友可風
徐處士還金積慶張門三節永貞克重國史之懿範
季氏潔身守死光昭郡邑之賢行是以陰陽和暢雨
露咸周生齒有滋蕃之益鄉邦無怨惡之仇遂萬年

之聚處溥大同而蒙休廣社倉之成規爲備荒之大
利安然葛天氏之良民允矣處雍熙之樂地食德有
年稍明大義爰歷叙于篇中以俟觀風者之採記



國朝

博陵卽事

知縣 趙用熙 蘭谿

萇爾孤城四望間飛沙如霧暗重關
青畦是處皆穿井白髮居民不識山

博野無山

風氣尙留三古樸文章難

訂壹時頑農桑學校均堪念
可便因循逐等閒

早赴邨莊查賑

燒餅三枚酒半甌衝寒還仗舊羊裘
焦勞敢惜披星起疾苦重谷竟日留
塲圃漸虛霜後草粃糠難蓄歲

前餽

俗碾棗加糠曝乾充來歲食是月連陰糠多壞

瘡痍至此將何極壹寸

心添萬斛愁

賑完重往邨莊省視

勞心勞力壹身兼解澤行天可盡霑但使窮鄉無菜
色不妨長吏有霜髯邨邨土屋炊煙起夜夜壕牆擊
析嚴保聚尙留生齒在應憐宦况苦中甜

夏日郊行

單車行過壹邨邨爲問朝饔與夕飧麪搗老榆皮盡
蛻菜烹新柳頂全髡低離無復家人樂任恤難求故
舊恩待得麥秋須匝月可能枵腹幾黃昏

送倪尉素園乞休旋里

倪有詩集

壹帆新漲賦歸田，隨意行藏合自然。
可惜毛生猶捧檄，竟容梅尉早成仙。
溪山勝處添遊展，筆墨狂時補舊編。
莫怪渡江無老伴，歸期遲我菊花前。

臘月初七日得請終養

歡聞天語出綸扉，竟許微臣侍養歸。
呼吸幸能通帝座，音書及早報慈闈。
故園松菊全無恙，舊識親朋半已非。
此去正逢重五節，枇杷初熟水鷄肥。

野叟邀看杏花